



Demokraatit sinnerlugit Inatsisartunut ilaasortaq
Rachel Ingemann

§ 37 naapertorlugu apeqqummut nr. 2020/168-imut akissut

Brevdato: 19-11-2020
Sagsnr.: 2020-20542

Inatsisartut Suleriaasianni § 37, imm. 1 naapertorlugu nioqqutissanik sullissinernillu pisortornermut tunngasunik Naalakkersuisunut apeqqutinik nassiuussivutit.

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqqutit uannut akineqartussanngorlugit innersuunneqarput.

1. Naalakkersuisut suut suliniutiginiarpaat pisortat suliffeqarfiutaanni namminersortunilu nioqqutissanik kiffartuussinernillu nunatta iluani pisiniartarnerup annertusisarnissaata pilerinarnerulersinnissaanut?

Pisortat ingerlatsiviisa nioqqutissanik sullississutinillu nunatsinni pisisarneranut tunngatillugu makku paasissutissiissutigineqarsinnaapput:

Namminersorlutik Oqartussani nioqqutissanik sullississutinillu pisineq Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq, kiisalu Naalakkersuisut qitiusuinik allaffeqarfianni taassumalu ataani suliffeqarfinnut nioqqutissanik pisiniarnermut sullinneqarnissamullu tunngatillugu kaajallaasitaq 20. 10. 2020-meersukkut maleruagassiuunneqarput. Kaajallaasitaq suliariumannittussarsiuussisarnermullu inatsit Namminersorlutik Oqartussat inuussutissarsiornermi nittartakkamut isaariaanni <https://www.businessingreenland.gl/kl-GI/Udbud/Lovgivning/Varer-og-tjenesteydelser> nassaarineqarsinnaapput.

Inatsisartut inatsisaanni nr. 6, 12. juni 2019-meersumi § 17-imi suliarinnittussanngortitsinermi "appasinnerpaamik akilik" imaluunniit "appasinnerpaamik aningaasartuutilik" imaluunniit "akit pitsaassutsillu akornanni pitsaanerpaamik naleqqiussineq" toqqammavigineqarsinnaasoq atuarneqarsinnaavoq. Nioqqutissat sullissinerilluunniit ataasiakkaat pisiarineqarneranut atatillugu, toqqaanissamut tunngavissap sorliup atorneqarnissaa aalajangerneqartarpoq.

Namminersorlutik Oqartussat "akit pitsaassutsillu akornanni pitsaanerpaamik naleqqiussineq" atoraangassuk, tunniussinermit atatillugu inuiaqatigiinnut akisussaassuseq ilanngullugu nalilersuutigisinnaasarpaat. Tassani "najukkamiiginnarnissaq" toqqaanermit nalilersuutaasinnaasutut immikkut taaneqartoq takuneqarsinnaavoq. Tamatuma saniatigut sullissineq aamma/imaluunniit tunniussineq, taakku suliap siunertaanut iluaqutaaneranni oqimaalutaatigineqarsinnaapput.

Tamatuma saniatigut Namminersorlutik Oqartussat, Namminersorlutik Oqartussani pisiortornermut malitassiat ineriartortillugillu nutarterpaat. 2020-mi pisiortortarneq pillugu kaajallaasitamik nutaamik atulersitsinissaq naatsorsuutigineqarpoq, taannalu Namminersorlutik Oqartussani nioqqutissanik sullissinermillu pisiortornermi maleruagassiuussaaq. Nutarterineq pisinerit ataasiakkaat tamaasa sioqqullugit, pisinermit piffimmut attuumassuteqarnissamik piumasaqarnerup naapertuussusaata nalilersorneqartarnissaanik ikorfartuisuussaaq.

Namminersorlutik inuussutissarsiortut nioqputissanik sullissinernillu pisiortortarnerat atatillugu apeqqutip akineqarnissaa Inuussutissarsiortermit Naalakkersuisoqarfimmut akisassanngortinneqarpoq. Taakkulu ima paasissutissiippat:

Kalaallit Nunaata aningaasarsiorfittut mikisutut ammasutullu inissisimanerani nunarsuarmi aningaasarsiornermi naligiimmik unammilleqatigiinnissamut toqqammaveqarnissaq, taamatullu niuerfiit kalaallit avammut tunisaannut, pingaarnertut aalisakkanut ammanissaat pingaaruteqarpoq. Taamaammat nunat tamat akornanni killeqanngitsumik niuersinnaaneq, nunallu tamat akornanni niuernerup aqqissuunneqarnera WTO-p ataani ingerlanneqartoq, Naalakkersuisullu nioqputissanik eqqussuinermit killilersuiniarnermit illersuutitut pitsaanerpaatut isigisaat, Naalakkersuisup tapersersorpaa. Taamaammat namminersorlutik inuussutissarsiortut nioqputissanik sullissinernillu pisortornerannut atatillugu kalaallit suliffeqarfiinik pingaarnertutitsisumik maleruagassanik aalajangersagaqanngilaq. Taamaattorli Aatsitassat ingerlatallu tamatumunnga pingaarutillit pillugit inatsisartut inatsisaanni atuutinngilaq, tamatumalu kingorna qalluinissamik akuersissummi akuersissummik pigisaqartup sanaartugassani, pilersuinermit sullissinernilu qanoq annertutigisumik kalaallit suliffeqarfiinik atuinissaa aalajangersaavigineqarsinnaavoq. Taamaattoq kalaallit suliffeqarfii teknikimut niuernernullu tunngasuni unammillersinnaasutut inissisimannippata, suliffeqarfiit allat atorneqarsinnaapput. Aalajangersakkat taamaattut aamma erngup nukinganik iluaquteqarneq pillugu Inatsisartut inatsisaanni atuutsinneqarpoq.

2. Pisortat (kommunit Namminersorlutillu Oqartussat) aningaasat qanoq amerlatigisut kiffartuussinernut nunani allani pisiarnerminni?

Sullississut tassaasinnaavoq suliaq ingerlataq sullississulluunniit alla, nioqputissavimmik pisiarnerunngitsoq. Tassaasinnaavoq nuussineq, salineq, pigisamik aalajangersimasumik attartorneq, sanaartornermi siunnersuineq imaluunniit assartuinermit sillimmassiinermillu isumaqatigiissut.

Oqaaseq "kiffartuussineq" taamaalilluni sulianut assigiinngitsorpasuarnerit nunami maani nunaniluunniit allani pisiarnerqartumut tunngavoq. Taamaalillunilu Namminersorlutik Oqartussat naatsorsuuserinermit atororissaarutaannit kiffartuussinermit pisiarnermit paasissutissanik ataatsimoortunik paasinartunngortilluakkanilluunniit aniatitsisoqarsinnaanngilaq.

Apeqqutip akissutaanut atatillugu Naatsorsueqqissaartarfik Aningaasaqarnermit Sulisoqarnermit Aqutsisoqarfik suleqatigalugu misissueqquara 2019-imi Kalaallit Nunaanni kiffartuussinerit amerlassusaannik naatsorsuinissaq periarfissaanersoq. Aningaasaqarnermit aqqissuussap nalinginnaasumik tamanna naatsorsorsinnaanngilaa. Taamaammat, aningaasaqarnermit aqqissuussami paasissutissat tiguneqarsinnaanersut misissorneqartariaqarpoq, Aningaasaqarnermullu Aqqissuussap avataatigut paasissutissat ataatsimoorlugit aamma eqqortunik sukumiisunillu nalunaarsuuserluni.

Eqqumaffigineqassaaq mianerineqarlunilu, Namminersorlutik Oqartussat Kalaallit Nunaanni suliffimmit kiffartuussinermit atuippat, tamanna isumaqanngitsoq Kalaallit Nunaanni kiffartuussineq ingerlanneqassasoq. Kalaallit Nunaanni suliffiit Namminersorlutik Oqartussanut kiffartuussisartut, nunap avataanit tamakkiisumik ilaannakortumilluunniit suliamik naammassinninnermit pisisinnaapput.

Tamatuma saniatigut nalunaarsukkanik kommunit kiffartuussinermut, aamma nunani allani, pisiortornermut aningaasanik qanoq amerlatigisunik atuisarnerannik takutitsisunik Naalackersuisut pigisaqanngillat.

2a. Ukiomullu 2010 kingorna qanoq ineriartorsimava? Akissut skemanngorlugu kissaatigineqarpoq.

Apeqqutip 2-p akissutaa innersuussutigineqarpoq.

Naalackersuisulluunniit paasissutissanik taamaattunik pigisaqaraluarpata, taakku nalinginnaasumik ukiunit kingullernit tallimanit sivilunerusuminngaanniissanngillat, naatsorsuuserinermummi atortussiat nalinginnaasumik ukiut tallimat qaangiukkaangata kasiilerneqartarput.

3. Naalackersuisut suut pingaarnertut pissutaatippaat, taama ineriartortoqarsimaneranut, apeqqummut 2-mi aammalu 2.a-mi akissummi ersersinneqartumi?

Apeqqutip 2-p akissutaa innersuussutigineqarpoq.

4. Naalackersuisut apeqqutigineqartumut allanik attuumassuteqartunik nalunaaruteqarsinnaava?

Naalackersuisut qanittumi Namminersorlutik Oqartussat sullissinernik siunnersortinillu atuinerat pillugu nalunaarummik saqqummersitsipput. Nalunaarusiaq www.naalackersuisut.gl Aningaasaqarnermut Naalackersuisoqarfiup ataani takuneqarsinnaavoq.

Inussiarnersumik inuulluaqqusillunga


Vittus Qujaukitsoq



6. oktober 2020

Inatsisartut suleriaasianni § 37 imm. 1 malillugu matumuuna uku Naalakkersuisunut apeqquteqaatigaakka. Naalakkersuisunut apeqqutit:

1. Naalakkersuisut suut suliniutiginiarpaat pisortat suliffeqarfiutaanni namminersortunilu nioqqutissanik kiffartuussinernillu nunatta iluani pisiniartarnerup annertusisarnissaata pilerinarnerulersinnissaanut?

2. Pisortat (kommunit Namminersorlutillu Oqartussat) aningaasat qanoq amerlatigisut kiffartuussinernut nunani allani pisiniarnerminni?

2.a. Ukiumullu 2010 kingorna qanoq ineriartorsimava? Akissut skemanngorlugu kissaatigineqarpoq.

3. Naalakkersuisut suut pingaarnertut pissutaatippaat, taama ineriartortoqarsimaneranut, apeqqummut 2-mi aammalu 2.a-mi akissummi ersersinneqartumi?

4. Naalakkersuisut apeqqutigineqartumut allanik attuumassuteqartunik nalunaaruteqarsinnaava?

(Inatsisartunut ilaasortaq Rachel Ingemann, Demokraatit)

Tungavilersuut

Nunat akornanni niuerneq pitsaasuvoq. Pitsaasumik unammillernermik qulakkeerinnittarpoq, nioqqutissallu kiffartuussinernillu pitsaanerpaamik akikinnerpaamillu suliarineqarnissaannik qulakkeerinnittarluni.

Aammali pitsaanerpaavoq nunagisami niiverneq, qulakkeerneqartarmat suliffiit amerlanerusut aammalu akileraarutitigut isertitat amerlanerusut. Allatut oqaatigalugu, oqimaaqatigiittariaqarpoq pingaartuullunilu, pisiniarnerit tamaasa immikkut nalilersuisarnissaq, qanoq ilioraanni pitsaanerpaanersoq.

Tamanna tungavigalugu soqutiginarpuvoq pisiassanik kiffartuussinernillu pisiniarnerit ineriartorsimanerat pillugu paasissutissanik pissalluni, paasiniarlugu eqqarsartaaserput pisiniariartaaterpullu allanngortittariaqarnersut.

Apeqquteqaatigisatsinut akissutissaq kissaatigaarput ullut suliffiusut qulit iluanni pissasoq.